



褚文忠公
全集

光緒十三年
丁亥重刊

序

嗚呼小人之危人家國也
若是甚哉余讀堵文忠公
集思明之所以亡未嘗不
為之三歎也自莊烈殉國

序一

率土瓦解然其時忠臣碩
士欲為明盡力者天下相
踵也史忠正奉宏光留都
宜若可以有為及出國門
而馬士英扼之唐桂諸王

崎嶇嶺嶠勢已不國而為
之督師者黃忠端束手於
諸鄭公亦坐制於五虎奸
臣悍帥當室毀風漂之日
初不計其身世之將如何

序二

惟梧擊英賢以供目前之
一快往復相尋覆轍若一
故公遺疏有曰臣受命以
來冀再合餘燼少收桑榆
不料調兵則一營不發若

曰有兵則豐其羽翼也索
餉則一毫不與若曰有餉
則資其號召也致臣如窮
山獨夫坐視疆場孔亟泣
血拊心略無展布嗟乎此

序三

在後人把卷流連猶為之
扼腕切齒況於身了其厄
者乎宜公之死有餘憾也
公少負奇氣人目為狂生
及知長沙日議城守定亂

民馘醴陵賊渠其材略已
足表暴於天下矣觀於答
延儒之問則自請危險誌
江門之墓則恨不同死蓋
志所素定固然非夫慷慨

序四

喜大言者比也遭時屯遭
羣凶彌乎宇宙獸駭魚爛
不可收拾獨與何忠節左
提右挈以偏隅殘破之區
抗興朝雲霓之旅枕戈

飲血挫而猶厲所降李錦
數十萬眾終其身無叛志
則公之精誠足以維繫人
心與宗忠簡之能用王善
無異而其權宜隱忍以就

序五

大計識者固當諒之王氏
永厯實錄楊氏三藩紀事
本末或於公不無微辭要
豈得為知公者哉公在日
自訂其文所謂定參稿者

及沒公友魯釗求得之以
歸公姪景源暨其鄉人先
後裒增編成十卷遭亂散
佚鄉人重輯為八卷已不
復見公集之全矣然公豈
序六

籍文以為重者覽者宜有
以悲其志焉公籍宜興有
族人居無錫遂為其縣學
生故明史稱公無錫人光
緒十三年歲次丁亥孟秋

月
賜進士出身國子監祭酒
提督江蘇全省學政長沙
王先謙謹序

序七



序

牧公自入泮後卽紀其日之所爲然多悔恨之旨昂子歲
字其稿曰定參弁年事於前端而存其目不五六年各別
天去庚辰子司其塾甲申復賓其幕時聽緒言悔恨之心
溢爲忠孝乙酉之春予返自星沙遂與終訣焉公賁志以
死欲從之而未由事定之後復思適楚歸其骸搜得定參
讀之蓋宛然手澤也然又止於戊辰乙巳其姪景源毅然
至粵西開闢抱其骸以歸而歲而返臘盡始得葬於其祖
之傍源遂哀其遺文繕其年譜及所上諸疏公之蹟於是

序

一

大備然而又止於甲申源之粵悉其顛末遂踵事而補之
以當行實公之事詳而文固或遺矣丁未初夏源錄以藏
而予爲之序公生平旣無負於君親源亦無負於公卽予
亦何負於友道之始終哉丁未閏四月五日贛住老人魯
釗書

入去與氣于同其

其餘曰定參弁年

公自入泮後卽紀

序

吾邑委身事主不辱其先為先達首推者有三人焉細行不修過而能改者周氏孝侯也秉資優厚有大醇而無小疵者盧氏忠烈也儻蕩不羈外落拓而內謹愷者堵氏文襄也然孝侯忠烈起於宦家後雖死忠其初皆安常處順無跣足冰霜之苦文襄則困頓百出艱苦備嘗而卒以成令名顯當世以此知松柏之節經霜雪而不渝堅定之操歷困窮而不易其中全者外不能奪物理然也雖然有疑焉天生是人使之任天下之重何以必困阨之既困厄之

序

而貴顯之何又艱難其身使之委頓敗壞至於不可收拾而後已然吾觀天地生物之道而知任重之器其成也有由無足異也孔子曰天之生物因材而篤栽者培之傾者覆之吾以為篤之為言厚也雖傾覆之亦栽培之也故不獨雨露為栽培而霜雪亦有栽培何則天地之氣不翕聚則不能發生人之為學不煨煉則不能成器文襄自幼沖至成人自貧窮至貴顯終其身皆霜雪之地也終其年皆霜雪之時也而不屈不撓雖當固陰沍寒嚴霜積雪不隨萬物以俱萎者彼固有以栽培之故歷險難而不靡也昔

王仲卿貧窮時臥牛衣涕泣後貴顯剛直守節彈擊王氏卒斃於獄此亦霜雪栽培之也天之厄文襄不日不月冰霜風雪有加無已其始也伶仃孤苦以厄之其既也困於場屋屢試屢黜以厄之其終也亡國亡君干戈馬革以厄之功雖不就然非此則不能養成德性立名而顯當世故曰天地以霜雪栽培之也觀其致弟寅恭書曰予豈不欲如他人鮮衣怒馬哉恐一念放開後至大壞極弊耳嚴凝之性老而彌篤此蓋得天地翕聚之氣其學其識皆自嚴霜積雪中來也懷宗時作救時二十疏欲獻之以示御

序

二

史徐養心曰此恐緩不及俟非今日之急務遂中止然其言實經世之大猷發皇揚詡之能於此可見明王有作必有採而行之者於是彙以成帙及其詩歌雜著輯之以俟後之知公者焉嗟乎士生斯世不遭霜雪難矣孝侯忠烈始雖雨露滋培及其既遇而霜雪游至故節彌堅而不可遏若文襄厯少壯窮通任霜雪之砭骨削肌而卒亦不可遏夫以文襄之困頓而不可遏則終無可遏者矣有志之士覆而視之廉頑立懦其必在此集矣夫

乾隆癸巳菊月荆溪後學沈光宇謹序

序

往者讀明史堵文忠公傳及吾鄉志乘忠義傳傳公孤忠亮節暨公年譜想見公平生艱苦卓絕之行鞠躬盡瘁之誠卒以有明國運既終人謀罔濟坎圻阨塞屢振屢蹶以至於死靜對一編低徊感喟未嘗不淚涔涔下也吾鄉重公不朽之詣與我孝侯及明之盧忠烈公鼎峙並稱孝侯及忠烈公皆授命疆場公以百戰不死之身忠憤憂悴以歿後世之視公無稍歧視敬之悲之迄於今不衰其所以繫於人心者可知矣公之居心致身與漢諸葛武鄉侯宋

序

一

文信國略同偏安社稷賴一身爲存亡雖漢之隕較遲宋之亡尤速所遇稍殊而苦心孤詣則一也家楣於光緒己卯奉諱里居王子黼卿邵子玉如偕故人王恭甫令嗣一清踵門來見謂近得前河帥潘芸閣先生所刊乾坤正氣集中有公奏議一卷及吾鄉潘卓齋先生舊刻公集參考搜輯並付手民曰堵文忠公全集屬家楣序其簡端家楣何人足以序此然此固甚盛舉也夫言者心之聲而世固有陳詞慷慨任事則非者又或藉手幕僚不由親裁雖誦其言無以信其心若公之奏議自司關守郡視學撫湘以

序

自古英靈奇偉之士忠風亮節震鐫古今其見之於功業者莫不發之於文章是以百世之下往往於其一編之垂一字之遺得之如獲異珍必爲之博訪周諮搜羅採輯思有以傳之無窮永垂不朽其故何也蓋人有秉彝本乎天性一遇乎忠貞在昔之留遺自不覺爲之感發而動於不容已矣臨津潘石溪明經一日來予官舍手出新刻堵文忠公文集余受而讀之迺知公之一生出處立身許國諸大節卓越羣倫而其文則炳若日星固歷千載而不可磨

序

滅者也惟念公身際有明之末造值時勢之艱難四海山崩六合瓦解豈不知皇圖紛裂國祚已移乃猶欲痛哭誓師枕戈待旦隻手擎天奮身不顧冀挽西日於旣傾扶九鼎於一髮戮力疆場馳驅楚粵卒之天意不從鞠躬盡瘁公亡而國隨以墟然而浩然之正氣毅然之孤忠固懍懍如在目前可以格鬼神貫金石與天地相終始也讀公之集公之志節彰矣公之艱苦著矣卽公之經濟謨猷與夫言行文章亦罔不釐然畢具矣循誦一過慨然追慕者久之兵燹後舊板懼於劫火蕩然無存石谿諸君慮其時世

堵文忠公集

目錄

卷一

奏議

泰交疏

任守令疏

革單免稅緣由疏

倉差兌差利弊疏

差竣疏

堵文忠公集

目錄

直陳顛末疏

復任路阻疏

卷二

奏議


地方利弊十疏

請補三楚學臣疏

及時修復事宜八疏

卷三

奏議



救時二十議疏本傳

卷四 五世祖樂耕公本傳

書啟 五世祖樂耕公海濼元壽人書

上時相書本傳

卷五 本祖樂耕公本傳

論著 本祖樂耕公本傳

星沙城守議

明倫堂說義

武昌府學宮會講義利生死說

堵文忠公集 目錄

卷六

傳誌

江門蔡公墓誌

始祖通五公本傳

分祖懶樵公本傳

支祖樸菴公傳

四世祖拙誠公妣鄒氏孺人傳

五世祖樂耕公本傳

高祖味閒公本傳

南塘公本傳

元述公支傳

圖南公本傳

魯塘公支傳

徐母貞節傳

許母苦節傳

許母奇節傳

徐吳兩節婦傳

五節總論

堵文忠公集

目錄

三

王考月川府君并王妣王孀人行略

引言

先考冲宇府君暨妣胡孀人陶孀人行略

卷七

序文

自壽文

後自壽文

詩集自序

告主文 二首

祭余守府師貞文

卷八

辭章

權使八箴

合編 贈史貞復清溪行并序

贈周補翁八十雙壽古言并序

卷九

詩集

卷十

詩集

堵文忠公集

目錄

廬次哀吟

馬革集

雜著九首

墜龍騷

縫甲泣

合編

年譜

附錄

明史列傳

宜興縣志忠義傳

任源祥撰傳

墓表

書牧子先生遺事

生祠碑記

宜邑祠碑附

權關德政錄序

傳贊

廬墓像贊

堵文忠公集

目錄

五

文忠公集本乎定參存於魯釗增於公姪景源彙於沈光宇至道光戊申邑人潘士超集費以付諸梓公之全集始有刊行定本凡奏議三卷書啟論著傳誌序文各一卷辭章二卷附錄一卷都為十卷近經匪亂板書兩燬原書之存僅得奏議深懼公著作之遂湮用合乾坤正氣集中所載並採堵氏家譜旁搜散佚而輯之仍原集之例類編為八卷鈔板垂成復獲補入辭章二卷分其類曰詩集而并訂公年譜於後使讀公文者即悉公之生平焉光緒丁亥月日識於宜興城西隅之春草軒

宜興堵允錫仲緘著

泰交疏

奏爲直陳愚慮仰瀆聖明乞寬斧鉞之誅用恣芻蕘之臆
事臣草莽小儒猥遭殊遇卑而議上淺以言深誠莫道妄
迂之罰然臣竊聞古之事君也資言獻身量能受祿惟上
懸輶鐸以導之言斯下獻芹曝而忘其媿矧際國家宵衣
圖治之時復荷皇上虛已求言之日凡有頂踵敢自愛私
以苟容於緘默當臣伏處草茅固已盱衡時事於一切內

堵文忠公集

卷一

奏議

一

安外攘理財用人建革損益諸務輒謬肆千慮以希一得
期慙情狂吻以穢宸聰爲諸建言者九九之勸然臣猶以
此皆重務而非本務求夫骨節之理而未及於心腑之和
也治國如治身然君者擬之腹心臣者擬之股肱志與氣
應則百體安官與神扞則百脈病蓋由朝廷以及百官由
百官以及萬民則莫切於今日君臣之際矣臣有三說以
似之大抵君已聖而臣益愚君已尊而臣益疏君已孤而
臣益析何言乎君聖而臣愚也古盛王之爲治也訪道於
衢謀野則獲故賡歌臣比於鄰誥誠君儼如父比心同德

有父子朋友之誼焉故相得益彰也今皇上端拱穆清自
一二宰輔三五部院大臣而外曹署諸官不得瞻望咫尺
雖有惘隱莫自叩陳閒有封章遙爲批答皇上秉其天縱
祇覺神喻於無言臣下安於讜庸惟是默承而充位以千
百之愚臣羣奉一聖主而求事之立功之成移革風俗覃
被遐邇臣未見其有當者此一說也何言乎君尊而臣疏
也古者班朝之制外朝以頒政典內朝以親庶務君有所
諮於下則從容顧問有員臣有所告於君則朝夕諷誦自
入而又有歲時饗燕以勤接引鐘鼓考擊以相和樂故君

堵文忠公集

卷一

奏議

二

尊如天而下施臣卑如地而上達以泰交也我國家自重
熙日久宮府晏安朔望之珂珮鏗珊有若縟儀朝夕之傳
宣諮訪傳爲盛事皇上無所得臣下之賢愚惟見班署閒
名銜濟濟臣下無從窺皇上之意指祇聞疏牘上天語煌
煌屬藩外吏旣望若莫階而升輦轂近臣亦無自瞻雲得
就以千百之疏臣遙對一尊主而欲事之立功之成移革
風俗覃被遐邇臣未見其有當者此又一說也何言乎君
孤而臣析也先臣陸贄有言臣遭際明主不足爲孤惟陛
下一人淵居羣小攻伺爲孤立耳旨哉斯言豈不以人主

日與賢士君子接則情合意親日聞賢人君子言則謀合志協下至百司庶人亦必有比心合力者以集事而况皇上以一人取萬有而可使殿陛之間不咸有一德乎微臣仰體皇上之意豈不欲委任心膂以底乃績無如有君無臣不足副宸衷爲恨耳故視諸碌碌具員者曰是身家自肥者也夫果營肥也則凡有身者皆必有家何獨至於士大夫而疑之奚遂無公爾忘私者乎視諸嘈嘈爭喙者曰是朋黨互援者也夫果比援也則凡有朋者皆堪植黨何獨至於士大夫而疑之奚遂無直行不掩者乎皇上以一

堵文忠公集

卷一

奏議

三

人之神智慮天下將煬者益可爲奸而皇上臍腹之寄益單臣下以一心之疑畏事皇上將奮者柔而爲惰而臣下手足之營益薄以千百之離臣各事一孤主而欲事之立功之成移革風俗覃被遐邇臣未見其有當者此三說也臣願皇上少貶其聖必集衆愚以成聖少屈其尊必親衆卑以成尊少慮其孤必合衆輔以去孤宰輔出政之本者舊之老頌美壽朋部府立政之原勳碩之英書思幡髮臺給糾違繩繆從若轉圜秘省記動著言昭如拭鑑或法上祖之左順便門或繼後聖之宏文後苑或使之比日啟詎

或使之分番入直正朝之暇時勤讜開儼對之餘俾寬敷
奏遇大興革則款相商擢若家人之有嚴君或侍清娛則
曲與諏詢如衆子之歸慈父一可一否事以面商而情盡
既無取於紙上之文辭孰良孰貞人以面質而品眞復不
比於暗中之摸索堂下無萬里之嫌百體有從心之順誠
以皇上一日之間萬幾具集耳目必有所寄豈其卻視反
聽乎曷若使臣下作哲而作聰心思必有所固雖曰天成
神授乎尤願使臣下乃啟而乃沃其與皇上日勞心於穆
清之表臣下祇報稱於曹府之間者豈直事半功倍而已
堵文忠公集 卷一 奏議 四

哉明良道得心股相資以之攘外則威以之安內則順以
之理財則不匱以之用人則無失損益得其理興革得其
宜如是而事不立功不成風俗不移遐邇不被者臣蓋未
之前聞也臣草莽狂愚不知忌諱謹先以泰交之要冒褻
宸巖容嗣瀝陳以備旁採

任守令疏

爲特專守令之任以修安攘之功以省調發以寬徵輸事
臣竊惟我國家承平以來百務廢弛羣僚肘掣守土者不
得專閫外之權訓武者不得與親民之責邊地腹守旣容
主之不侔彼食此耕益轉輸之滋費初以事擾於緒多祇
覺冗食冗兵耗億貲於紙上繼乃力銷於柄少馴至無兵
無食束兩手於袖中遂致敵寇乘釁蹂躪及輦轂之間狂
夫脫巾烽火遍郊圻之地溥天痛心兆民疾首臣伏考典
冊所載未有寇乘廿年之運而不變起微關賊養十載之

堵文忠公集

卷一

奏議

五

兇而不蔓延肘腋者況以內外具託官民交困事端終始
有不忍言恭遇皇上以天縱之聖武焦勤於上羣臣竭忠
盡智不懈於下調發無虛加派日徧而兵益卑餉益寡寇
益橫賊益多者臣以措之未有其方而用之不盡其力也
今夫一邱之地屬之十人則亂屬之一人則治者事併則
措置得宜也千人之聚合而爲一則強分而爲十則弱者
權一則經營盡力也古三代而上衆建萬國人自爲戰家
自爲守故外無夷患而內鮮寇兇稱又安最久漢唐因之
設爲太守刺史畫疆而治如龔遂之渤海刀犢有論而賊

消如李廣之漁陽刁斗不聞而虜遁皆以太守著殊勳唐設刺史特重皆得典兵馬專錢穀雖釀成藩鎮之強然而突厥遂臣吐蕃終服巨寇獫狁如安史温巢不旋踵覆滅宣謂非專任之功故承襲推代諸弊起於朝廷之務姑息非起於藩鎮之敢跋扈也宋承極重之後析軍民之任以分刺史之權雖百年尾大指腫諸疾一時而瘳然而卒致互肘成靡困於遠毀於金亡於元李成楊么輩蔓延內地不可收拾卽以韓岳諸帥可謂不世之英奇矣觀其所爲進寸退尺支吾旦夕未奏厥功者則以隨人驅使無尺寸

堵文忠公集

卷一

奏議

六

之上以久其措施仰給縣官無升斗之粟以憑其徵發况牽制倍於前時而才具不若諸帥者哉考古證今貧富強弱之故盛衰得失之由蓋不待智者而能辨矣臣以爲當今之計莫若鑒宋之失而救其弱用唐之強而弭其患顯法兩漢歸重太守之制以隱合三代衆建萬國之意則臣所謂專守令以修安攘說非無據而所當急議舉行也一日任之欲慎今之爲郡守者衆其目爲外吏彼自處於鈍曹又別爲三等豐腴內地以優科甲貧瘠之方以居乙榜邊要外郡以置任子不別地之重輕不度才之短長旣寡

鼓舞之權復嚴資格之限抑今之爲守者悉名區要都也
曹署甫登優游樽俎厯資既淺更事不多未經練達之能
莫愜神民之望因循報成苟且從事比比然也至於乙科
之桑榆囊橐任子之紉袴無術又無論已惟朝廷之視守
令爲輕則官司之處守令亦薄有固然矣又安望其在股
肱司筦鑰乎合無謹保舉之法嚴銓注之條非才兼文武
望堪帥牧者不得任資不問深淺視其能地不惟輕重要
其稱則選人務得矣而又法古政府視郡之意則要地必
取夫大賢考昔太守入相之規則最績不吝夫殊擢蓋一
堵文忠公集

卷一

奏議

七

人失職則一方乖張一國失理則羣方破裂任之不愼是
謂棄地其弊一也二曰任之欲專漢宣有言與我共此民
者其惟良二千石乎味其之一言明乎專天下者治國之
君也專一方者守郡之臣也今之爲郡守者遠爲部按所
牽鼻近爲司道所掣肘志欲興一利除一害苦於輾轉上
陳歲月久而未報當力能捍一方辦一事束於迢遞相望
著籌具而莫施行夙無訓武之責望賊而徒手祇號司馬
之門徒有課稅之名聚衆而虛炊莫濟計臣之匱有地無
民有民無兵有兵無稅寇至投緘賊來膏尸者不一方矣

合無尊其銜重其任授一府則以一府委之一切軍民利
病糧稅出納戰守措置佐貳黜陟聽其可否自便寇盜未
至則先事爲并食之圖烽火猝臨則便宜爲徵發之策無
事則屬縣爲陪貳郡守爲侯伯司道爲連率撫院爲方伯
玉帛輯萬國之儀有事則屬縣爲偏裨郡守爲將帥司道
爲監督撫院爲統領甲冑敵一人之愼惟課其能否勿撓
其事權保障受上賞繭絲蒙顯戮人人懷功名之心處處
居干城之重不調發而兵精不徵輸而食足如是而寇不
遁賊不滅者未之聞也故任之不專是謂棄人其弊二也

增文忠公集

卷一

奏議

八

三曰任之欲久古之設官也久以世其子近以終其身故
職稱而事舉也故久於其任則官無苟且之念民無欺玩
之心吏不得緣迎送而爲好事不至因監代而成擱使循
良者安位則官與民習競懷親長之恩使英敏者久成則
人與地嫻益多歷練之吏今則不然置官如奕棋處官如
傳舍某某無殊績也徒聞以善趨走奉行端擢矣某某未
聞有越檢也徒聞以不善箕會贈遺速敗矣不肖者競於
苞苴卽賢者亦憎拙鈍之非策不才者狃於庸鈍卽能者
亦嗟恤後之不遑一旦有急則歷任未幾誠難責其捍禦

之能爲幸偷安雖莫展一籌已可卸其曠尸之擔以之處
腹則耗民以之居邊則僨事圍棘寇蔓職此之由合無量
才酌地長短相資比歲課能三年試績榮以尊銜加以兼
任軍中韓范賊膽知寒畿內龔黃民心共戴官知守於其
職則旦夕而營畢世之謀民知恃以爲安則合併而爲一
家之慮要而可大簡而能久其與朝更夕張者功敗不啻
壞漢也故任之不久與不任同其弊三也三弊去三道得
智勇競勸爭希頗牧以酬知枝幹相維所在金湯以自固
法遵諸漢而較密強擬於唐而去專制合夫宋而無削神
堵文忠公集

卷一 奏議

九

封建井田之遺意而不迂誕不更張酌美萬古救弊一時
皇上高拱無爲而敵之滅以十年寇之平以三年臣以爲
治莫要於此矣若夫內外異形南北異勢兵民異情戰守
異宜若何責守令以拒敵若何責守令以殄寇容臣更嗣
陳二疏以瀆宸聰先舉其大端伏希採酌臣第未知遠略
惟曲垂矜以宥狂愚

革單免稅緣由疏

欽差督理北新鈔關南京戶部河南清吏司主事堵允錫
爲遵旨回話敬陳革單免稅緣由兼摠末慮以救權弊事
臣於本年十一月十二日接本部堂劄爲科臣屈疏南計
日匱等事奉聖旨新關長單何又旋復著該關主事回將
話來其勒石永禁及免肩挑小稅等事俱依議欽此欽遵
臣以新進孤踪忝司權務察得本關有長單初設祇以柴
灰出自徽嚴沿江而下有波濤之憂魚果產自鄉鎮仔貢
入城有蒸爛之患不便赴關報稅只此四項進與給單其

堵文忠公集

卷一

奏議

十

後法立弊生奸棍倚借鄉紳名目援例而起至增五十餘
單包攬把持嚮商蠹課積數十年弊重難反臣冰鐵自矢
不徇情面於本年二月初二接管之日卽頒示力禁凡革
四十九單拘積包大俠奚太冲陳兆豫等於法一切請託
痛絕不行隨於二月內申詳南部及本省撫按四月內申
詳北部俱奉有文移在案勒石永禁刊示通行此臣革單
之繇曾未敢旋復以隳前功而滋後弊也科臣鑒往杜來
慮臣差滿之後必有奸豪夤緣勢要以謀倖復是非仰藉
明綸不足垂久誠爲深遠之防至免小稅一則尤爲仁人

之言其利甚溥蓋小民負販爲業錙銖皆血而稅輕費重門遠胥尊多致偷漏用罔於法臣受事半月擊目愴心卽廣皇仁下令寬卹凡自五分以下盡行豁免在權關一歲頗亦減課數千而詠沐皇恩者幾十萬姓及期以來商民稱便臣特以芟芟小惠不足矜揚故未敢申文詳請今幸奉旨準蠲合無更祈加廣改三分以下爲五分以下則於臣初下之令不至二三而民間受賜爲無窮矣此又臣免稅緣由私喜芻蕘之意有當天心而暗與科臣先後同符也更有慮焉時凶民奸課重商困臣兢兢夙夜苦力釐搜堵文忠公集

卷一

奏議

十一

虧缺日多無加毫末若不悉祛權弊更圖良便屏絕冗耗將何術以寬商而足課明旨之外更有四款詳列於左仰冀聖裁但事關條議字限逾格伏乞聖看

一革稅廳凡爲權設官以便商非厲商也糧餉之任非廉潔不可與其功今乃以幕僚解糧者夤緣監稅以償其費夫俗尚不古刀筆多偷教之使廉猶懼不及茲乃曰爾之賄賂於稅乎取償明獎其貪彼何所忌加派諸商官胥互索每兩約派一錢名曰箇頭總國課計之一歲且鉅萬也加額旣多商困已極復設此

冗官以需索之其何以堪合無請旨裁革則商旅詠
謳出途者不招而集矣

一重務任七務稅課司連舊額新加計稅二萬三千餘
金綦重任也所設務大使皆吏員末流權輕志苟不
足彈服胥爛相長爲奸凡侵移賣放分削包漏諸弊
不可屈指官如木偶惟俯首畫諾得常例潤私橐而
已緣是一歲缺額萬計主權者掣於鞭長無可究詰
每割關稅以續之則課足弊清終無期也合無懇下
明旨併七務爲四務城南商集稅多爲一務江漲城

增文忠公集

卷一

奏議

七

北中務地近稅少爲一務西溪安溪路亢山僻爲一
務臨平遠關而近海包漏公行最資彈壓併新設橋
司爲一務着吏部選科貢出身前路遠大者任之俱
聽本關考核以足額祛弊約胥便商課其殿最分別
陞除則權重事專商胥帖服旣省官以節費復慎選
以奏功利之大者也

一禁餽送本關設立衝衢冠蓋接踵鄉紳京貴視爲肥
差遠客則有程席之儀鄉官則有年節之儀尤最甚
者莫如親知年誼爲抽豐客關使絡繹奔命以應其

求此非國課卽商膏也臣受事及歲蹇值凶荒將此夙習盡行罷省以充額解時爲冠蓋鄉戚所唾笑合無祈下明旨設紅牌大書有送書儀節儀及抽豐情面者該撫按立時拿究暨於關前則苞苴之風息所以復古而交際之路清所以養廉也

一立軍防本關歲額二十四萬自運入京責係甚重又寫設郭外十數餘里違關數武卽爲泝區加以年地仍荒萑苻哨聚劫庫劫鞘時告疊發臣竊杞憂曾於六月閒申詳各部院添設中軍把總一員挑選衙役

堵文忠公集

卷一

奏議

三

之強壯者六十餘人委之簡練已蒙委行日夕偵邏居則衛儲行則衛翰盜戢民安頗有成效一切俸糧工費諸項一年約費五百餘金皆本關裁冗約俸以給之並不動支正額併加派商民分文以滋弊漏數月以來遠邇稱便合無祈請明旨準與給劄其勤惰優劣俱聽本關及撫按考核則糧儲既有干城之選而商民具有安堵之慶矣

已上四款皆本關急著目前要圖臣旣受事不避怨嫌謹因回話以當入告至如禁耗羨約胥役節冗濫

時啟閉慎苛罰皆以裕國疏商不容刻懈是在當事
仰體不盡瀆陳者也懇叩勅部詳覆施行早一日則
商民受一日之賜矣微臣幸甚商民幸甚國課幸甚

增文忠公集

卷一

奏議

古



商民受一日之賜矣微臣幸甚商民幸甚國課幸甚
仰體不盡瀆陳者也懇叩勅部詳覆施行早一日則
商民受一日之賜矣微臣幸甚商民幸甚國課幸甚

倉差兌差利弊疏

欽差督理北新鈔關南京戶部河南清吏司主事堵允錫
爲遵旨回話敬陳倉差兌差利弊兼摭末慮以救儲弊事
臣奉堂劄爲科臣屈奏南計日匱等事奉聖旨倉差註定
三年豈可輕易倘篩曬如法出納均平羨餘獨多者特加
優擢欽此欽遵捧讀綸音至如法均平以致羨餘而知王
言之大也夫朝廷良法美意初不在羨然必如法均平而
後可言羨羨而在官則爲好義而事終羨而在民則爲損
上以益下致羨之術安可不講臣在關言關回話之外何

堵文忠公集

卷一

奏議

五

敢越陳然臣去年受委兌差四月兼攝浦倉兩月頗悉此
中利弊有知不告又何敢安用是併及以抒愚得蓋致羨
莫大乎寬解寬解莫大乎祛弊祛弊莫大乎清役衙門多
則胥役繁胥役繁則費用廣如是而欲祛弊不可得也弊
不祛而欲寬解致羨不可得也初臣賤時在浙每見浙中
父老談及南糧莫不沮色相戒所說道里衙門之費每以
石許致一石而奸胥積包意外之禍不與焉一經點解卽
擬破家全者百無一二蓋國家之患不在上壘下耗而在
中飽胥役虎耽解戶肉獻賂賊既甚掛欠益多民力既窮

輸將益後南計之匱所由來也部堂及科臣俱鯁鯁慮之臣敢悉所見聞條爲六款以佐科臣之末詳列於左伏冀聖裁但事關係議字限逾額併祈寬宥

一積歇包攬倉兌舊設保家數人以監各解便催提也後乃有小保千百家以安歇爲名因而包攬解戶喜其打點熟滑入其彀中有指騙之弊有營運之弊有攙和之弊有那補之弊甚有一啖不吐累及解戶性命身家者繇臣愚慮夫誠各衙門簡科條受差者屬水蘖則打點之名何從而設至於追比掛欠部覈之縣縣覈之解呼吸臂指相及也彼積歇以包打點而包輸納以包輸納而包完欠以包完欠而包追比追包追比而侵糧病解不可勝言矣合無祈下明旨首行痛革除當官保家數人之外不許添立小保家名色有出入衙門以打點爲名者嚴行訪拿重懲示戒則弊減過半矣

一篩夫需索篩夫之設慮解戶米色之不淨也然而積歇積篩因而例索且以攙和糶穀之弊愚解而病軍每米一石官額九釐私派至二分有餘作弊射利者

又不知幾許計兩差及七倉之米額五六十萬石爲費奚止數萬餘金合無祈下明旨將篩夫一欸盡行革絕申令解戶米不圓淨不準入場驗米有欺弊不準收兌各解既喜於篩搨使費之少又利於官府收放之速何苦而不竟輸好米夫與其設篩夫以苦解求米之淨而不淨何如革篩夫以寬解不求淨而自淨之爲便也

一衙門太多司照查巡察糧諸廳以錢糧重務互相管設也然官多緒多各役需索日沿月盛遂使解戶左

支右吾經歷衙門包裹使費稽留時日苦不盡言合無祈下明旨歸併一路各差派定各縣例有定額申令解戶到日止投文本差其各衙門掛號等務皆本差督承行該吏代爲申詳移會其掣批迴亦如之如此則頭緒旣一各解寬閒沾恩無盡矣

一減併差員七倉兩兌計九差一差例委主事一員例設書辦貼書阜隸副阜主事親隨又有長班衙書門阜等役計百數十人其身家之俯仰上下之供應皆取給於差如是則本官志在澄清安能使各役之盡

餐風露各解之費安得不煩計倉場飾曬收放之期每月不過十日足辦較之府縣外任勞逸迥殊合無祈下明旨除浦口鳳陽路遠專設外將水兌兩差併爲一差其錦衣等五倉量多寡減併爲三差則在差之役既省其半而隨官入差之役又省其半計各解一歲之省費又可萬金其造福豈淺鮮哉

一額定單欸在場諸役并隨差諸役安能責以枵腹奉公然不嚴爲立防則如鬼如虎之態指騙勒索不可究詰臣代乏浦差見前任程部堂所定單額給解戶

照單派例甚有欸約臣力加申戒踰單有刑一月以來軍胥帖服雖有黠者猶惴惴懼執單之議其後也合無明諭部堂胥役之勞逸別爲差等著爲定額勒石倉場以恪遵行則歲可省各解費錢百萬矣

一禁革茶果此弊沿積已久公行不戒賢者雖刻意屏潔而不肖者猶時依回染指夫設官之意以約吏安民非爲一官温飽已之不正何以帥人康子患盜所由來也合無祈下明旨嚴加訓諭勒石示箴以激揚之權屬之部臺勿徇情面臣孤遠未吏不敢盡言已

上六款雖似委瑣不足當採擇然念官府之錙銖卽小民之膏血所謂寬一分卽受一分之賜也苟當事者能將順德意共破情面悉力奉行則所省解戶之費且及巨萬民力旣寬解戶雲集輸將恐後謂非阜財足民之一端與如是則不言羨而羨在其中深有當於皇上如法均平之大義而後受優賞者不失足於興羨專利之斂臣也設以革弊爲議怨併差爲獨勞久任爲淹滯之皇上卽委臣一差責成先自臣始

堵文忠公集

卷一

奏議

九

詳覆施行國課幸甚

督理北新鈔關南京戶部河南清吏司主事堵允錫奏爲
奉職無狀遭歲多凶虧課已及五千破家不及什一仰祈
聖鑒以恤時艱事臣於上年二月初二日奉命督理北新
鈔關接管到任蹇值凶荒商賈裹足臣夙夜拮据裁冗節
耗備任怨勞不遺心力去年四解俱按季資部邀皇上如
天之福以爲微幸及瓜可報稱無罪矣詎意大江以北土
寇竊發人民相食浙江以南又復萑苻嘯聚桐富一帶劫
殺無虛又值督漕院臣下淮兌之令所在府縣僱捉民船

堵文忠公集

卷一 奏議

二

四方聞風俱拔舟高原不敢越河一步徂臘歷正五有旬
日遂虧課五千餘兩此萬耳萬目之共覩聞非臣敢一字
虛誣自欺欺天以欺皇上也伏念四方多事軍餉急需臣
受事一週不能爲皇上通商裕羨少佐末籌乃以歲荒課
虧入告卽此之罪不可勝誅何敢以紙上浮詞冀幸蠲免
卽日將臣祖父田產盡行變賣不足繼以稱貸務補歲額
破家粉骨臣所甘心但臣日擊時事竊用搶呼初已卯年
開議措勦練二餉局外諸臣競言各關應派至二十萬猶
爲未足顧未及歲餘而匱乏見告不一近如濬野關已虧

至四有餘萬矣北新關自臣交代之後一月閒又虧四五
餘千矣此皆臣力肩身受目覩耳悉者爰考本關原額自
天啟初年止及四萬今疊奉明旨已加至十四萬同此物
力同此商膏往時之盛未見其盈今日之疲安怪其縮況
值天行之加卮歲事之荐凶乎伏願皇上軫念艱依曲加
蠲緩節朝廷一日之徵求卽續商民百年之膏血蓋財賦
之入總一源流必加休養而後可議誅求也臣差已報竣
課已湊足何用爲此贅語以取罪戾但身悉艱危有知不
告當與欺妄同律是用昧死瀆陳仰祈採酌施行微臣幸

堵文忠公集

卷一

奏議

三

甚商民幸甚

直陳顛末疏

爲孤臣處萬難之勢蒙不白之誣謹直陳始末仰祈聖鑒
事九月初二日吉藩一本爲截刼事奉聖旨覽王奏這截
表刼餉情由殊可駭異允錫等果如此凌犯該撫院何無
糾參事關藩體卽着察覈具奏不得隱徇取咎欽此欽遵
臣捧讀綸音泣汗交下感皇上之明足以幽矚隱微遐徹
萬里而痛奸宄之徒力能煬竈親王狐嚇屬吏也臣雖至
愚讀先聖書爲天子吏寧不知祖宗尊藩之制皇上親親
之篤况截表何事刼餉何罪圃柳雖微狂夫知懼苟非喪
堵文忠公集 卷一 奏議 三

狂曷敢滅裂一至於此其爲浮浪不根應亦不煩舌辯第
吉藩賢明天植其遷怒於臣有由抑闔校虎視成習其中
傷於臣更巧臣罪重情迫不勝冒死爲皇上激切陳之吉
藩分封百十餘年宗支繁衍闔校蔓延除租祿之外十分
長善之田爲兼併者十之二爲投獻詭寄者又十之二惟
此兩邑荒疲之民以六分瘠土輸十分重賦當十分苦差
骨痛腹誹匪朝伊夕同知王秉乾近署縣事疾首民艱求
治過急三上啟於吉王爲善民請命未幾而郡王宗室羣
譟於府僚屬俱閉戶倖免矣又未幾而旗校撲捉里民於

市庄闖榜掠里民於野以致善民一聚於南倉長民再聚於北郭而闔邑告變矣斯時也以千萬人之同情負百十年之沈痛亦且何憚不爲決川燎原勢幾不測分巡道臣馮率臣親至城外法諭理譬方得解散臣以爲首事之人可以悔禍矣乃七月初八日有校十餘輩擊斃船戶於水鄉約吳嘉棟等以事屬地方忿而與闖道臣與臣復親至河干拘校某等供稱奉王令旨差往省會與船戶口角是實彼時從未言及表餉二字臣謂小事不足深究發數校於長史司執吳嘉棟而重笞之明晨有船戶之妻赴府告

堵文忠公集

卷一

奏議

三

求撈屍臣不敢問俱有文卷在案萬見萬聞無可掩飾不意遂借此興波一幻而爲截表再幻而爲劫餉也且凡此始末情由俱與臣不相涉乃忽而移甲禍乙誠不可解緣五月間吉藩左承奉司黃明治有腹校劉國明糾巨盜萬大萬二及徭丁遊僧數百餘人立寨百家山旗鼓恣劫圖爲不軌臣命瀏陽縣捕之國明糾衆圍殺斃官兵數人擒數十人明以金錢贖放臣不勝忿伺國明於城隅手縛之明治卽刻矯龍箋來索臣執不與又同道臣發兵勦其渠黨山崗以平明治用是恨臣入骨乘宗民之搆日夜媒孽

於吉王左右幸王賢明未肯遽信乘是日有民校之毆遂
幡然進步竿頭小題大做悉膚愬於王而王始不勝三至
投杼也然臣自反與明治初無別嫌止因大盜猖獗地方
存亡所係不敢不冒死與爭他如白占翟氏之屋勢占周
邱之產受任訓之獻而逼死主母任阿簫收李道之金而
立斃無辜之朱大漢此皆臣任中成案臣亦何敢決波磔
竹以發其奸抑明治神通老閹進言用事王食弗得弗甘
居處弗得弗樂以藩封千百年之靈長長沙十萬戶之膏
血尙不吝供其賸剝以恣其得意如臣一官七尺軀何足
堵文忠公集

卷一

奏議

十四

重輕而敢與之辨曲直明黑白乎伏祈皇上俯念孤誠亟
賜貶調以尊藩體以避兇鋒微臣幸甚長沙幸甚

復任路阻疏

爲直陳復任兩路俱阻長沙中途聞陷緣由仰祈皇上原情黜調分別定罪事臣草莽孤踪幸登皇上丁丑進士擢守長沙才淺任隆每期涓効十五年八月內蒙湖廣前撫臣朱前按臣汪類題入覲臣遵於十月下旬督率吏官離任就道不意蹇遭賊騎羈旅江淮至十六年四月內冒險結隊聞道入都猥受皇恩不加詰責覲計典竣諒臣官守無虧勅臣回任臣遵領水程於五月二十二日辭朝一路荒災難覓驢力七月初間始達鎮江臣私念程限命臣入堵文忠公集

卷一 奏議

三

月初八日到任轉盼不及月餘且聞武昌失守賊寇已踞上流臣憤烈激中咫尺里門不敢歸盼於七月十八日卽自鎮江湖流南上不意八月初行過蕪湖爲盜所劫臣墜水幾殞脫走草野由小路丐貸至家復遭恩養妻父母之喪僅一拜墓前卽日就道於九月初十日復自京口趨至杭州破產措置衣裳招募丁勇於十月初一日從錢塘發舟取道江西兼程赴任途遇逃亡之卒始聞長沙八月二十五日之報臣南望慟哭號天拊心念已後期雖死無及然中夜奮厲猶冀跣足秦庭泣師殄寇誓塗裂肝腦以報

國恩十一月十二日行至江西貴溪地方城市俱空官民
逃竄縱橫旄鬣不辨賊兵劫掠之慘至無虛日臣徒跣狂
奔又幾不免只得退至衢州暫駐風鶴滿前進退無據欲
冒險前進則鋒鏑無補於時艱死亡祇足以辱國欲羈旅
中道則孤誠無由以上達曠職遂同於失守且聞長岳衡
永賊踞爲巢袁吉瑞臨賊蹂爲莽撫臣王與按臣劉信耗
每傳不吉新按臣黃又路阻莫達片郵是臣卽有包胥之
志杜宇之魂終無以自露於皇上也仰祈皇上念臣羈旅
之孤踪資力有限自去歲離任至今時日幾十五六月往

增文忠公集

卷一

奏議

三

反江干跋涉山谷奔走又幾數萬餘里阻賊阻寇阻盜阻
兵濱死幸生焦身尪脊實奮力以踣蹶非見難而逗留雖
路阻之幸應與失守之官異律然臣生命不猶志銳力鈍
原情別罪臣不敢辭如以四方多難臣膂力方將豈容以
一點就便乞下部補臣一缺使勉其駑駘與民死守以成
初志此又皇上破格使過宏恩微臣不敢預期者也臣一
面負擔江干伺便前進不敢阻避一面繕本遣力齎奏上
聞伏祈皇上寬臣干冒之罪下部察處施行

全集卷一終

邑後學

儲廷棻邵子鏞
王有謨周恭壽

重校

堵文忠公集卷二

奏議

宜興堵允錫仲緘著

地方利弊十疏

爲楚地之失已甚楚事之壞有由謹陳十弊逐款奏聞
仰祈皇上鑑已往以戒將來卽一方以見天下事臣句
讀小儒未通時務且以入覲路阻地方失陷不能冒險
趨死罪不容誅豈容出位妄談貽譏庖俎然痛念楚局
至今已大壞全壞矣逆獻以刀鋸遊魂烏合亡命朝渡
而名都屠殞南上而百城崩裂官率爲逋民化爲賊曾

堵文忠公集

卷二

奏議

一

無一旅一聚少效其旦夕之命者豈千古忠義之氣至
今日而全消國家三百年養士愛民之報至全楚而不
驗與臣哀慟之餘撫今追往爰考其故大要由於歲饑
賦重禍蔓弊滋郡縣無權民生日困强者思借賊以洩
其憤弱者思喪日以借其亡平日從無固守之心臨時
安責親長之效一旦狡窺有望風靡耳臣分守期年於
楚中甘苦利病嘗之最親每當掣肘無聊輒扼腕悲歎
日深之病豈僅七年畜艾之方不俟終日耿耿一誠懷
來已久夫至今日始言已嗟悔晚然往之能諫猶可追

來敢據一方之見聞竭狂瞽之思慮將積重大弊分爲
十款另輯成帙爲皇上臚列言之一曰勅簡之使過盛
二曰郡縣之職過夷三日倖幕之官過卑四曰承檄之
差過厲五曰驛遞之擾過困六曰差徭之役不均七曰
保甲之法不行八曰詞訟之繁日甚九曰庠序之器日
長十日軍屯之制日壞凡此十弊曷制虐民日積月長
甚非細故伏乞皇上念臣孤狂不遺葑菲將臣欵帖逐
件緝閱勅下部覆酌可施行飭郡縣以定人民之歸卽
一方以見天下之大戒往事以救將來之失去民害以
堵文忠公集 卷二 奏議 二
興利謹官方以責忠將見綸綍煥新閭閻易慮弊祛於
上功奏於下以馘獻復楚恢恢乎有餘也全楚幸甚天
下幸甚

第一款

爲勅簡之使將無過盛伏祈聖明裁併以一事權以省冗
竇事臣聞事權畫一則心志齊政令多門則視聽亂故明
王因地設官建官授事官無濫員事不叢脞古之制也國
初制考諸古設兩都十三省府縣之吏倣古之子男藩臬
之司倣古之連帥後又增置巡撫於行省其二伯分陝之

意乎猶慮承平沿久無以達情而宣德於各省直量別繁簡遠近分遣繡衣巡行郡縣歲以爲常督撫建牙分巡奉簡方面風憲之官可謂已備已尊矣用兵以來調發繁殷賦急民困守土之吏奉行不職以致皇上宵憂司農仰屋臨軒屢策驄馬分途有餉部有餉司有餉科有漕院有漕科是臺省部院幾半朝廷也兩府分爲道道分巡守是一府而設一道也初遣之意豈不以縣官卑必率諸府府權輕必率諸道道府得無朋徇糾以兩院則威權重撫按又慮情熟特設部科則意氣新不知上重則下輕權分則緒

堵文忠公集

卷二

奏議

三

亂客多則主勞夫刑名錢穀事屬有司者斷必責成於有司朝廷雖日分一符日遣一使徒捐供億之繁無裨手足之烈如謂有司足勝其任專委焉可也如謂有司不勝其任更置焉可也今授以事而吝其權疑其人而充諸位譬如憎駑馬之遲而疾加以策慮圯垣之卑而亟堵其壘其不致蹶與傾者幾希矣爲今之計莫如慎使而信託部省諸使已撤者勿復遣已遣者旋議撤以督察之權專委撫按以監帥之權專委道府以徵調詞訟之權專委縣官其有不職糾參隨之朝廷郡縣呼吸臂指相親也如是則權

不互侵官不泛據縣官得行其志則府治不勞府官得受其成則監司可併監司威行各屬則撫按從容攬其大綱而天下治矣其視今日符勅交織羽檄星馳有司疲心力於逢迎百姓竭髓骨而填溝壑客使疾呼屬吏瞠目其爲勞逸治亂不大相懸絕哉恭遇皇上念民窮吏禱其於郡縣學官裁革冗濫臣以爲裁百倅貳不如併一監司併十監司不如撤一勅使政令多門屬員奔命地方之髓膏日竭朝廷之威命日褻奸人之窟竇日滋弊害日興利無一有抑臣更有惑焉周宣之中興也方叔治蠻召虎治淮皆

堵文忠公集

卷二

奏議

四

甫薄伐二三老成勳舊歌天保采薇而治有餘矣今外敵內寇蕩滅無期而建牙擁燾者幾五六十輩夫事權分合強弱之由也不擇人專任而日事紛紜外相頡頏內自阻忌供億日繁勢力日軋固已不戰自潰矣以幾治乎豈有倅乎臣下吏未敢深言伏祈聖明俯鑒末誠不識忌諱探覈施行

第二款

爲郡縣之職將無遺夷伏祈聖明行慎擇專委久任三法尊吏治以救時艱以復古盛事竊觀農桑爲天下之本牧

守繫生民之命故古來吏治之美莫盛於漢黃霸以京兆著績李廣以北平起家名良將相皆出於二千石用能外制海隅內撫百姓三代以下治安最久唐制因之而不衡其輕重威柄下移以致藩鎮之弊然猶一平安史再戡龐黃則猶是郡縣之力也宋懲唐弊始置文吏以分武權數百年之崛起悉制命於朝廷然肱膂旣單卒用以弱韓劉楊岳不世之名將也使有一郡之力進退得以自專中原豈致終歸蒙古昭代之盛折衷周官民統於守兵統於衛兵民相參制非不善然大小相制彼此互牽以承平則百堵文忠公集

卷二

奏議

五

邊之地益重其選無容規避每除一守下註某官保舉某
官察推有闕茸不職則均罪之稱職均賞如是則郡守之
源清矣二曰專委事權古來名守立功豈能迴出晚近不
過任重則志專權尊則令服今之爲守威力不加於奸豪
號令不行於庸庶惟日捧上臺文移紛紛畫諾無所重輕
而欲責以撫民定變必不得之數也今一令出守皇上特
加一勅將一府兵馬錢穀廢置生殺予奪悉以予之使得
專治其屬以便宜行事司院不得中制一年而察其政三
年而考其績專以戰守之堅瑕盜賊之弭發戶口之消長
塔文忠公集

卷二

奏議

六

者益孳孳保其末路因循冀倖之念無自而生如是則守令之功專矣守令既得地方受福得一人而一方治得百人而天下治臂指相使首尾互應用之邊地敵寇以盜用之內地人民樂業以措餉則富以練兵則強事權歸一吏治益尊所謂復漢之盛也考覈賢否威命不竊所謂稽唐之弊也郡縣力强兵民不分所謂懲宋之弱也如是行之十年之內皇上不煩神武而百姓治安遠邁上古矣芻蕘雖陋於治有裨伏祈下部採酌施行

第三款

堵文忠公集

卷二 奏議

七

爲倖慕之官將無過卑伏祈聖明懋建庶尹選別正途以盛任使以裨地方事古者因地設官隨事授職周官之屬三百六十上自公卿大夫以及鄉遂州甸莫不有官皆得稱士故官屬莫盛於周而治功最隆於古卽降至唐宋參軍主簿之職皆郡帥委以腹心使掌機密權重品清藉以起家者不少後世不察好言節省概稱冗濫不知羣力旣集專功以成衆紀畢張大綱斯舉況今四方多事賦役繁興民情日囂盜賊竊發功令所加無一不責成於府縣臣天末下吏未觀大全然以長沙府縣而觀長沙南北一千

餘里東西五百餘里連山控湖伏莽時嘯南漕編餉各三十餘萬府縣廳衙人人各潔肺腑共竭股肱猶慮不足乃府縣倅貳自經裁汰寥寥數員率衰暮貢途刀筆吏屬止供奔走毫無供職自處既卑吏民相苟雖使正官一手一足胼胝而營亦難使糧清賦足盜息民安也於是餉缺矣則設餉部餉科漕後矣則設漕道漕科漕院南兌匱矣則又勅遣南司譬如甫田不治不加力耕之夫惟加督耕之士雖使督耕者日與力耕者爲噪徒擾耘耨無益荒蕪是求治愈急而拋荒益多也故田不治則多遣力田之人事

堵文忠公集

卷二

奏議

八

不治則多設任事之吏今天下官民之官少而官官之官多功何由而成事何由而集也以臣愚慮重上不如益下強客不如實主一府四廳司軍司糧司捕司李皆取資正途與司李一體優敘經照知簡四屬務選廉幹茂壯之士分曹而理量縣大小設督餉縣丞一員各有專局不相侵攝勅諭吏部皆以甲乙榜充之併府領縣貳俱與正官一體考選上臺加以優禮吏民稟其教令先使之尊位重祿後嚴參劾之法加不次之賞正官攬其綱諸官司其目人懷新氣事有專營如是府縣之務不勞而治也若謂胥役

之擾則重地方之官斷必從地方起見犯科不赦若謂廉俸之煩則厚養廉之需斷必食廉吏之報貪墨有誅其與璽書繡衣高張當道吏舍頂首重數千金供億迎送動費巨萬其爲大小省煩益損勞逸不可同日語矣蓋地方之官尊則倖幕自待不薄其利一胥民不敢作奸其利二利病得以周知其利三委任可相親信其利四上臺差役不敢凌虐其利五遐陬小民具悉朝廷慎重地方之意其利六新進英俊具親簿書體下民之情其利七興七利祛百弊治術之首務也伏祈皇上俯允下部採擇施行

塔文忠公集

卷二

奏議

九

第四款

爲承檄之差將無過厲伏祈皇上勒石厲禁以甦民困以撫官常事竊惟古人有言財賦不天來鬼輸悉由地產民出是以明君制治足用莫先於恤民恤民莫先於祛蠹故去害而馬肥去蠹而禾茂省民間一日之銚銖卽合以成朝廷無窮之巨萬甚矣不在官不在民中飽之害不可勝言也茲因軍需孔迫徵調益煩田畝之賦額旣加則輸將之耗費益大額內正供已足禡糧解之魄而被其家乃近有卜司承差奉牌提解之害至今已甚當全楚爲尤

甚臣不惜頂踵之辜投鼠犯器爲皇上激切言之京邊錢糧責成府縣朝廷自有功罪上臺自有參覈地方有司非甚庸愚不肖孰敢以身名性命試法以誤軍國乃有奸人豪客乘時估權營充承差唾掌而起司科部院各路衙門連袂成群何啻千輩率以千金而營一缺又率以千金而營一差或提軍餉或提抵贖笈擔雲從鸞鑣雷驟尖帽大擺直上公堂手執憲牌口含憲語叱咤頓氣惟意所欲其常例也提餉一千則索供應三十兩臨行索犒賞二十餘兩分上呈稟不在此內此府縣官批允存案者也經承書

堵文忠公集

卷二

奏議

十

役則有下馬飯洗塵晏見面錢回牌錢送行酒三日一程五日一晏糧長解戶則有參見禮謝煩禮免解禮回銷禮折夫禮合計零星何止十倍於官派然此皆揖讓雍雍以玉帛相見者也若乃稍不如意輒起風波糧解則囚拷於寓吞聲而不敢控經承則鎖拽於堂目視而不敢救官府稍稍語禮輒碎脾唾面推案排闥謗稟朝發嚴譴夕來於是向以奉聖旨之一言今忽變爲據承差之三字明明以彼之喜怒爲是非饑飽爲賞罰卽以長沙近事而言有不識時務之縣官躲承差不出而闔戶自縊者矣有匹夫小

諒之主簿飲承差不醉而畢命江濤者矣愈長愈橫益熾
益慘以府堂爲厨舍以縣官爲庖人以書役糧解爲魚肉
一日之間多至數十輩少亦六七輩書役星散糧解捲逃
則印官身受其辜挫辱憤悶足加於手稍有血氣者莫不
涕歎扼腕終以齒路莫敢誰何填彼溪壑腴民脂膏提餉
一千爲費六百意外之漏不與焉提贖一千爲費四百額
內之耗不與焉夫官府爲法受過敬主及使衣冠挫屈不
足道也獨念糧解爲皇上租賦之赤子膏血止有此數扈
漏如此裘穿可憂長沙積來之逋豈僅官民之罪仰祈皇

堵文忠公集

卷二

奏議

十一

上救民水火大奮乾剛勅諭撫按亟行督察究賊擬罪兼
勒石府縣有虎差辱官虐民者該有司立拿正法通行天
下祛此巨奸庶殘黎獲安軍需可足將寰宇有更生之慶
其受福不止於全楚臣孤介小臣言發禍至不知死所特
以激於公義奮不顧身倘得邀皇上一日之鑒與民祛奸
卽斧鑕所甘罔知後禍小臣幸甚天下幸甚

第五款

爲驛遞之擾將無過困伏祈皇上憂時厲禁因弊立法卽
費爲省起弱爲強事竊惟驛遞之苦至今日極矣言之不

一人救之不一術究之日沿日甚愈革愈長恭遇皇上嚴
勘合之令非奉勅遣不得輕擾民間誠不易之良法然而
令自上行澤不下究者其害有四一需索之害承差捧檄
過縣每應付一疋則索引馬包馬加馬腳馬名色多至五
六疋每騎坐一馬則索供應照牌恤馬折乾常例多至十
餘兩稍不如意墩鞭馬戶而全家摧毀矣夾踢坐馬而調
良旋斃矣叱咄生風目無全馬其害一也一迎送之害夫
馬原有定額大縣不過夫二百名馬八十疋小縣不及其
半乃上臺遣牌到縣率踰縣額甚有馬至二百疋夫至四

堵文忠公集

卷二

奏議

七

五百名者然此猶屬吏供億職分所應卽遲與缺可以情
語至若藩王敬差內使發遣夫馬舟隻數限不可紀極水
行兼用蹄輪陸行兼用帆櫓究之十不用一折乾滿橐而
止排辱官府牽鎖書吏以怒罵爲文章以鞭笞爲揖讓一
牌至縣夫頭馬戶捲室潰逃其害二也有銀損之害近因
河南道梗川貴廣閩悉取道於楚長沙遂爲衝途銀損至
縣夫馬不敢稽緩時日居則有防衛之煩行則有護送之
苦更巡卒役邨里倉皇其害三也有包侵之害里民老於
畝畝何足以當豪客之鋒凡報充馬戶夫丁多倩包於市

僧乃奸徒得錢入手花費已盡或差使一時輻輳答應不敷則跳身而逃甚至閉門自縊縣官搜及根株勢必仍坐原主於是一累再累十室九空其害四也其他小害不可枚舉用是殷實之家一充馬戶無不立破如縣額馬六十疋四腳分充爲數二百四十戶是一歲而破二百四十家也嗟乎溫飽之民每縣有幾比年以來已無餘剩其有不通賦散亡饑寒爲盜者乎此害天下皆然三楚爲甚長沙尤甚若不設法補救則淵魚叢爵誰實爲毆以臣愚慮莫如懲馬害而圖利卽馬費而養兵則有徵民而官充之法

堵文忠公集

卷二

奏議

三

於此計各縣充馬一疋合官價私貼爲直數十金令各縣派其費於里甲稅其租而免其役彼里民喜於有定額而無後禍必輸納恐後官市而代其役委練兵把總一員或屯馬典史一員專掌其政每一馬則市兩馬去直六十金得二良馬矣時其暑寒水草而勿竭其力則一馬之用六七十年不斃是歲止費直十金也又募牧養之卒二人以勇悍敢戰者充之厚其工食量其芻秣計直三十金則人有餘粟馬有餘芻矣然後設置馬場卽場以爲營房編設馬甲卽甲以爲隊伍旦旦而事於牧卽旦旦而教爲卒彼人

馬相習志業相親較之募市人而配以生馬者馴勁必倍如縣額百馬卽得二百精騎矣額設夫役亦以是法推而行之有事充役暇則教戰縣額二百夫卽得二百步卒矣練備之用莫大於此如是而前此害馬者皇上熟察以厲其禁勅諭兵部凡用勘合皆以爵秩爲差遣發多不踰十馬三十夫著爲一定頒行天下不許私遣亦不許有司私用官物以供諂媚違者并罪若上司差役於馬牌之外另設一單細填日月於某月日至某縣則官親書某時發用印鈐蓋承差或索折馬索恤馬索供應或繫某卒斃某馬

堵文忠公集

卷二

奏議

十四

則地方官司立時究治仍逐件填明單上挨遞勘明然後發馬回日繳單上司親察治罪則差役不敢橫虐而驛遞之困甦矣行是法也去需索之害去迎送之害去銀損之害去包侵之害有恤民之利有良騎之利有健卒之利有孳駒之利去四害興四利用之一方推之天下十年之內民可富兵可強馬政可復屯牧致盛誠因弊立法不費官粒粟寸芻而民安盜息守堅攻勝術之最善者也伏祈皇上採擇施行

爲差役之法不均民將盡伏祈聖明祛五害行五救急撫
流離以解倒懸事竊惟差役之重至今日極矣布縷粟米
力役已用其三間架稅餉加派幾增過倍然使有額內之
徵無額外之費民間且樂義好從又使額外之費原因於
額內之征小民亦甞勉從事乃三楚爲財賦之區長沙又
三楚之一弊已百出民靡孑遺誰繪鄭俠之圖徒雪賈生
之涕祈皇上艱依在日臣不吝痛心疾首瑣屑陳之長沙
平田十餘畝爲秋糧一石額編增派其納銀八錢有奇漕
兌正耗共納米一石有奇田最瘠收穀最少樂歲所入一
畝不踰二石而穀又最賤是常額所征已取民間之半也
然長沙之民不苦賦而苦差以賦有一定雖終歲盼盼不
敢告勞獨是里有十遞遞爲一年每一年而輸一差輸差
之年以遞中之田多者爲首少者爲貼如有田十畝貼差
至百金少亦不止六七十金究田之所值不過三四十金
而止是盡棄中人之產尙不及貼差之半也差之繁重者
莫如銀解臣前疏承差提餉之害并起解衙門之費是也
每解千兩費五六百兩不等次則腳馬臣前疏已詳言之
矣次漕糧南糧漕重而頗近南輕而甚遠率以三石而致

一石又次爲北絹採絲之苦機織之苦道路之苦馱造之苦充是役者一年率六七年而畢事又次爲本縣答應上司迎送鋪墊祭祀之類是也牽累數年身家覆潰甫幸息肩而後此之十年又至矣於是豪強乘時兼并奸民百端詭卸苟可以倖免此役者無所不至藩閫宗校紳衿力能制諸縣官者爭受獻而享奸民之利如長善兩邑舊額百萬畝今入藩封者且七八十萬畝是以七八十萬之差與糧偏墮兩邑之民此投獻之害也書胥爲奸破多作少移甲就乙田隱籍淆不可究詰巧者營窟愚者蒙辜此詭寄

堵文忠公集

卷二

奏議

其

以賄成此情面之害也乘人緩急操握奇贏母輕子重股人脂膏此兼并之害也五害迭興投獻爲甚此弊不革強者逋亡弱者溝壑不致十萬戶口盡歸銷亡禍將未已爲今之計宜急行五救之術勒爲一定以少甦民力一曰額差星郡之田除南陽不可問者尙存十之五六急勅有司清察勒爲定數榜之通衢已後悉照畝派差卽有興廢差與田隨不得卸累如此則五害之技窮矣二曰均差王土王臣之義初無重輕踐毛終事孰敢自逸然以行星郡則

斷斷不能今卽不與竈場社倚之驕人議均貴賤之差姑
與此哀鴻集鳥之勞人均苦樂之差勅所在有司酌一歲
差之多寡費之重輕每畝起派官徵收貯每遇差解官酌
給耗費而諭胥役之誠幹者任其事彼里民旣無意外之
禍又無不均之歎則從役也輕而五害之源清矣三日官
解差銀旣與正額官派官收卽官任其事役委起納農民
循例而充之以效勞當解爲入班考滿之等則小民盡力
於畝畝而不知勞吏胥盡心於解運而滿其役則五害之
流塞矣四曰祛蠹吏胥作奸每以糧餉爲窟穴里解爲魚
肉自上院司下及府縣打點需索莫不狼喙而虎翼今旣
改爲官徵官解弊孔益除更勅大小衙門徹底釐革務期
減一分之漏卮以寬一日之民力則五害之蠹盡矣五曰
改折漕充軍國重需本色不容末議獨北絹一則星沙地
不產絲採解較之他郡艱苦爲甚計南帑所積陳陳不少
且今邊餉繁殷所在搜括何不可寬三楚解絹之力使折
正損而實諸邊在朝廷旣緩急得宜在民間又輸將甚便
此亦祛害救弊之大端也五害旣去五救遶行天下之述
亡庶可漸復乎臣期年勞苦目擊情形不識忌諱仰祈皇

上採擇施行

第七款

爲保甲之法不行民將潰仰祈皇上優事權明條約祛蠹
害寓兵於農詰奸防盜以靖地方以復富強事臣聞古者
井田之制比耦以相安友助以捍患故鄉有淳良之風邑
無奸暴之害管子因之修內政而寄軍令卽邱甸以飭行
伍平居講習足以相結有事親信足以相死遂致富強不
勞而霸甚矣閭里之民固自足用而保甲之法不可不講
也漢唐以來兵民旣分古制不復兵用以驕民用以困禍

堵文忠公集

卷二

奏議

六

愚將作不可弭止迨宋中葉王安石慨然思修保甲之法
意非不善而學古無術求治過切未能變俗適以厲民此
所以行之未善而非立法之不善也今皇上軫念四方多
故風俗偷冗勅諭所在有司申明保甲之制慮極周詳卽
有司亦莫不奉行德意編立徧城市約束盡商民可謂森
然修備矣然以臣而觀故事耳紙上虛文耳抑法立弊生
未詰奸而滋奸不祛盜而揖盜耳何言之所貴乎行保甲
者有司盡度境內之地孰爲輳集之區孰爲扼要之衝孰
屯聚宜立團孰津隘宜設堡孰公所宜講明六約孰通徧

宜盤詰六奸某善某惡宜舉宜首某窩某盜宜勦宜搜卹
落有小大則議聯絡寇賊有猝發則議救援故鄉鎮爲急
城市次之今之爲保甲者附郭而止郭以外非民乎盡黨
奸藪盜而何補也此直故事視之以愚民者自愚也所貴
乎行保甲者有司又盡度境內之民十家爲甲十甲爲保
量保多少立團長保長以約束一鄉故有鄉約區正名目
孰爲土著孰爲流寓孰習商工孰耕畝孰行誼表著宜
統一鄉孰才力優餘宜長一保一甲孰富者宜設法賑給
孰強者宜訓習捍禦故必有司親行郡縣家喻戶曉人加

增文忠公集

卷二

奏議

九

訓飭事措所宜使一鄉之主客賢愚長幼貧富各相安率
以從事也今之爲保甲者一任里民僉報狡者營奸強者
武斷有司止據冊籍以按索之此直紙上之虛文名存而
實亡者也所貴乎行保甲者有司旣委境內者老材幹之
民以爲團保長則一鄉之奸良勤惰彼得糾舉一鄉之盜
賊災患彼得督率偵救就一鄉以捍衛一鄉之民非使之
迎事上官供人需索也今也不然官司過往索其答應邑
有遁亡坐令追償小有興作輒使措辦民之爲是役者輒
視爲苦海有力之家皆鄙不屑爲惟取市僧以充役彼市

僧則惟與衙胥表裏以病民庇奸耳崔苻伏莽弗與聞流
細當前弗知察此所謂法立弊生詰奸而奸滋祛盜而盜
伏也皇上必行保甲以安民莫如盡反前弊以實事實法
嚴其制優其數一曰法古鄉遂之官給團堡長冠帶使得
以便宜約束其境內務取行服一鄉家殷才裕者爲之二
曰勅地方奉行官吏親行巡閱使歲時督察其境內之團
堡長以舉善糾慝詰奸防盜課其能否而黜陟之三曰盡
境內之民比比而甲比比而堡城郭爲四廂鄉落量縣大
小爲六團或八團使甲督詰而上於保保督詰而上於團
堵文忠公集 卷二 奏議 三
團督詰而上於縣縣督詰而上於府府總其成以上於司
院遞遞督詰振綱理紀以提挈之四曰令境內之團堡保
甲皆飭行力農父課兄勉以安靖地方爲務所在有司皆
優禮之盡去答應迎送之煩胥役敢有借題苛索者重懲
之五曰令境內之團保長課子弟之傑秀習騎射火器之
技技成上於府縣歲試而優拔之六曰凡合境之團堡保
甲大小相維緩急相救甘苦相恤一方有警通縣合力有
慢悞失事不急救援者連坐之行是六法以救三弊保甲
之術其庶幾乎臣守星沙親行鄉邑目擊鄉約之弊無益

於民適以增厲而因慨然於古道之難復徒善之難行也夫使保甲修明行之以實心措之爲實事將千百年移風易俗足國強兵弭患安民之略井田內政追諸古初直舉而加之耳臣以爲非一手足之烈非一旦夕之圖立法選賢稽弊蓋久道而後可化成也伏祈皇上採擇施行

第八款

爲詞訟之繁日甚民將犯仰祈皇上厲澆頑明禮讓別等威以挽頽風以扶善類事臣聞明君之治庶慎爲先化民之術去爭爲務甚矣訟獄之興聖人憂之而弭爭致治之

堵文忠公集

卷二

奏議

三

道不可不急講也國初明律慎刑置廷尉以持天下之平設臬司以按一省之獄重刑官以察大小之情其於理獄亦幾幾乎難之矣無何澆風日甚告訐繁興刁民訟師唾手蜂起黑心鬼口白日魔詞苟可以遁情而倖勝者無不至也此弊天下皆然南楚爲甚至今日爲尤甚楚俗悍而無禮素與訟習長寶以南僻居山陬聲化所暨又復深阻於是豪強之民舞其譎智日事告訐以魚肉其閭里名曰紙棺彼殷弱之民裹糧求直則憚於門高而胥鬼也惟其武斷不敢向邇根窟已成蔓延日長此南楚爲甚也邇者

時事多艱陵工積穀修城養兵諸費多責成於有司便宜措辦有司搜括已窮勢必歸重於贖鍰自撫按藩臬守巡府縣無不孜孜以民詞爲務甚有以事件之多寡課有司之能否者甚有曲庇原告苛責被犯以招致民間之投詞者尤可詫者按有訪犯以懲巨奸大憝府縣之所不能力制者也今不問其人之善頑惟問其人之貧富力足以辦千百之贖則夷可貪而惠可暴歲無完戶矣更可詫者有司巧合意旨必於諸詞中廉其勝任者癩索而苛其罰量衙門之大小以爲重輕歲以爲準甚有一詞贖贖多至五六千金株連多至四五十人者上下相蒙恬不爲怪此至今日爲尤甚也緣是刁詭肆志霧合雲屯盜犯聳告捕獲兇身誣累苦主子許其父奴叛其長民訟其官縣不得志則訟於府府不得志則訟於道道不得志則訟於院匿名詭籍月蔓歲延惟恃所告之衙門以爲奸窟則有司無可如何近且有以登聞鼓爲戲場爲捷徑者矣狐貉高張善良縮首如是而商民欲其安枕十室不致九空者未之有也臣聞古之盛也以貴治賤以賢治不肖君子畏義小人畏刑故相率而崇於禮讓也今者小加大淫破義喪廉恥

蔑等威一至於此聖明之世其有不胥淪於鬼蜮者幾希矣乞皇上痛懲前弊扶良抑奸勅諭撫按通行該省各衙門互相申飭一應民詞不許越告其有奸民舞文恃健誣証上臺者釘還有司使治其罪嚴反坐之令敢有作為非法稱說無情者投諸四裔撫按訪拿務取豪族大姓果係強宥者始得坐之勿徒以贓罪塞責免有司捐助之例使不得借口陵穀恣意苛求去無辜之連除非分之罰其有借罰虐民徇情枉獄及縱容胥役剝奪詞犯者兩院不時參處刁民訟師倚藉上司陵蔑府縣者許府縣不時拿治

堵文忠公集

卷二

奏議

三

以大小之情聽之府縣以一省之獄歸之臬司以天下之平持之廷尉杜訐告之風嚴抑枉之罰息爭講讓以崇禮義慎刑勸農以安耕鑿則三楚之情弊可除天下之厝安可待風俗以淳人心得古皇上不令而民懷不刑而民畏矣伏祈睿察採擇施行

第九款

爲庠序之囿日長士將偷仰祈皇上抑囂競重廉恥美教化以端士習以正人心事臣聞廉恥者國之維士子者民之表故先王成俗化民道先於學其士子慎名重節教先

於恥持身則有自銜之嫌與人則有由徑之媿用是文章
氣節出身加民行誼表表有古人風由其儲養者厚故其
發皇者大也國朝首重學宮歲選鄉邑之秀而列諸庠序
厚廩廩之供嚴臥碑之訓其以督厲諸士子者蓋益惓惓
矣敝至今日官不遵教士不明學以夤緣爲捷徑以奔競
爲通人以倡聚爲美談以鼓譟爲恒事以公道起於學校
之句尊爲師說而把持脅諂風日以靡敝不可勝言矣臣
在楚言楚幸直言而無忌可乎夫士子之秀者由郡縣而
升有勅使以董其政三試而登之鬢序至重典也今則倖
進之途襍矣銅臭有靈書香無燄彼原不知所自愛而人
之目之也亦甚輕迨其既列青衿風氣相染不聞戶有絃
歌也不見黨有術塾也惟見公庭之上編比糧役則栽冠
者進聽理詞獄則青衣者先小忤意則袖有殺儒之呈少
優容則口媿老師之句以拔留生祠爲入室之囿以公揭
薦書爲護身之術挺而爲難則一呼而連袂者千人忿而
上衡則攘臂而騰謗者雲起如近者星沙有紳衿之構至
毀學宮又如衡屬有旗鼓之譟目無道府有司則以體關
學政頗懷投鼠之嫌上臺又以事出子衿未免斯文之情

互爲含宏養成驕情詎知今日之士習卽他年之官箴風
無砥礪以自閑寧免當事而益決抑學宮之士風又卽鄉
邑之民俗其誦詩書者尙貪戾而不惜又安責衣襪襖者
能禮讓而知防學校不端文章不顯氣節不著風俗不清
弊弊相因所係非小乞皇上端本崇化杜漸防微飭諭學
臣申嚴教戒其有怙習長器不遵祖制者立行褫革盡法
勿徇通行府縣有非公入室及通糧卸役開呈構訟有司
不時開報先懲後詳其有招引同類呈舉非分借公營私
聳詞虐民者坐其倡首有恬退廉讓力學敦行者有司不
堵文忠公集

卷二

奏議

三

時舉薦學臣據實以貢於朝分別貞頑以示懲勸又學師
者士人之表也師之與弟不啻影之肖形古云法上得中
矧取下乎今之爲師者率衰暮貢途也原無督率之方安
望教養之效苟且蒙徇阿比成風乞更諭吏部務取甲乙
正榜青年有望者充其選嚴立學規有躍冶曠廢者學官
不時撻記不悛呈斥使歲月而與諸士子爲課學官教士
有條士習得莊邑無譁競人文興起者學臣考最與知推
同選教士無法士習不端譁競時聞人文衰息者學臣試
殿與貪躁同罰使弟子實實從師師官實實課弟學臣申

創懲之令毫髮不假府縣懍三尺之法申斥時加賢者伸之使進不肖者抑之使退教著政成化行俗美將見士有學而國有材民以茂而戶可封也一挽頽靡大章風教直在皇上指顧閒耳伏祈睿察採擇施行

第十款

爲軍屯之制日壞衛將廢仰祈皇上稽今弊復古制以足國強兵保圍備患事臣聞古初之制民統於府兵統於衛府衛相參以圖治而保境也設衛之初卽屯以爲餉故太祖之訓曰國家養兵百萬不費民間斗粟者其惟屯田乎

堵文忠公集

卷二

奏議

三

蓋軍有屯則軍有執業而不曠軍有屯則軍惜身家而不潰屯不加派則軍享屯之利民不加餉則民食屯之福軍比於民則調發不煩軍資於屯則富強日裕一舉六善百世無敝焉可也無何承平日久衛政廢弛軍不訓練屯益荒蕪勳舊苟且從事既無振舉之力軍屯故法相狃徒存典籍之文如長沙茶陵舊額衛官職員屯田畝籍今寥寥有若晨星而昔所未耜於田之區又半歸於兼井一旦有急問諸官則膏粱之子問諸軍則饑疲之瘠問諸屯則無何有之鄉當事計窮因時權變於是不調軍而募兵不問

屯而問餉衛官裁佩而擁虛名衛軍枵縷而事丐爨衛屯
徵發而歸有司陞派頻加驕譁時見古制不復流弊無窮
軍屯既虛衛府俱病以臣愚慮勦衛雖執袴乎然選試之
令自在也盡人俱愛功名者寧不可勵之使知奮也軍丁
雖癯弱乎然丁舍之齒尙繁也盡人俱堪挑試者寧不可
練之爲有用也屯田雖廢置乎然版籍之制尙存也屯與
軍原形影相附者寧不可據現屯而責實軍也與其別募
而爲兵孰若仍軍而挑練與其徵餉而饋卒孰若卽屯而
選軍皇上誠熟稽今弊慨然復古下一令於勦衛曰勦不
堵文忠公集

卷二 奏議

三

軍之屯利悉以予之願歸屯惟爾便願出軍惟爾便則人盡惜屯之利而不憚於爲軍之勞爭出壯士以食屯矣夫然屯制不改軍班不闕不事紛紜全衛之盛可悉還也夫勳衛卽未必材盡將帥然故家子弟自愛必重何必棄親戚而別選材官衛軍卽未必人盡貔虎然身家係累約束易加何必舍土著而別募烏合至於以屯養軍軍選而屯舉人食官租充官役殺官賊守官地官不煩徵比民不煩輸納不措餉而用足不召募而兵精策莫便於此者又無俟智計而決也迄今衛政雖湮古法自在修而行之只舉堵文忠公集

卷二 奏議

三

此而加彼耳去今弊復古法無賈餉之憂無譁兵之擾將自愛其功名卒自保其身家餉自給諸獻畝以餉則裕府衛相維兵民不困戰守得固疆圉以安誠不易之法也伏祈睿察採擇施行

請補三楚學臣疏

湖廣等處提刑按察司提督學政按察使臣堵允錫謹題
爲亟補三楚學臣以收人心事臣句讀小儒謬膺重負聞
命以來思勉策駑鈍而未有當也三楚夙稱多材人文蔚
茂然自闖獻發難十年戎馬滿地瘡痍學宮燬爲蒿萊衣
巾化爲弁革風物囂敝大非曩時竊自揆量蓋有五難地
方殘破十五府無一駐足之所加以師旅盤踞旱魃煽威
焦土子遺修舉無術何以俎豆聖賢何以廩祿師弟則整
頓之難人才散軼一百四十學鮮有完聚之衣冠其師長
堵文忠公集
卷二 奏議
堯
則逃亡之屋其子弟則死徙之餘其賢者則惴惴喪其魄
魂其不肖則悻悻換其顏面以鋒鏑爭命之際而事詩書
以椎埋得志之時而談禮義則激勸之難道里寥闊時日
無多歲試旣曠於去年錄考又逼於來歲加以龍飛隆典
恩選歲貢俱宜急急奉行并日縮地己憂不足則辦歷之
難抑此何時也皇上建中興耆定之略而首注意人才枕
外吏待旦之戈而命率獎士風與鼓吹先朝薪燹盛世者
稍似有別道當其隆則重休明之士運乘其否則資戡理
之才聖主求人當務爲急若只制義是尊按圖而索竊慮

退敵不在賦詩療饑非可徒說敵寇日事刀尖馬背之實
着而我國家猶誦舌端紙上之虛文取非其用用非其宜
已極壞猶不更絃迨病深何裨蓄艾則仰答聖明之難抑
臣何官也好尙關學術之醇疵舉動關朝廷之用舍非一
耳目之能周歷必集事於提調之有司非一手足之堪拮
据必課功於董率之學長今府縣既正署多闕而泮宮亦
荒草無煙如以故事相沿則彌卷丹鉛按等發落一書生
之能事有餘必也眞賢是求則甫聽而隨繼以觀採聲而
更謀其實非一試之成規足辦非皇上有特假之事權微
堵文忠公集

卷二

奏議

三

臣曷副求賢之饑渴則撫循守責之難凡此五難者三楚
爲甚今日爲尤甚臣猥蒙皇上簡拔而不悉其荒謬之見
以施補救之宜只苟且因循益泄泄從事是負皇上以負
三楚負三楚以自負生平也臣礫有餘誅矣又先帝十三
年所頒學政款則最明前學臣高世泰奉行於楚著有成
效合無遵照往例加勅賜臣使知恪守謹別繕稿恭呈以
備察給并及时修復事宜條爲八疏仰祈皇上遠念時艱
俯擇愚慮亟勅施行庶實政舉而眞才得於以戡亂濟時
非小補也三楚幸甚原係亟補三楚學臣以收人心事理

及時修復事宜第一疏

題爲學政第一欸實行三試歸併二科以羅真才以復古制事臣竊惟制義非古也卽國初亦不專重制義也制義之重始於成宏至今日而極重乃成極弊夫古有王陵周勃皆未讀書之武夫近而項煜周鍾皆善言八股之文士世界陸沈風節淪喪一至於此尙不思所以變計乎臣以爲今日選試之法莫如實行三試歸併二科申令學長行月課之法有司行季課之法皆條舉士子在家立心制行之實事彙而呈諸學臣學臣歲殿最之月有是非季

堵文忠公集

卷二

奏議

三

有賞罰歲有黜陟則士之居於家邦者無遁情矣因以試其文學簡其騎射此學臣歲試科試之法也學臣歲彙其優者登諸朝則行歲貢之典學臣三歲彙其優者登諸廷則行會試之典此科貢第三途並用之法也試之法以德行政績言品爲一場德行者學長有司學臣條舉士子孝友言行之實事也政績者皇上復古徵辟之制司府州縣儒學之首領佐貳及散雜諸職皆許辟召附近人才或許學臣咨送優者紀其勞績劣者立加褫辱學臣彙冊而咨諸貢舉之臣貢舉之臣再加博訪而廉察其實也行徵辟

之法有五便諸士有歷練之功一也州縣有任使之員二也國家得試而後用之士不致以官爲試之患三也士子愛借致身之始居官必清謹自厲四也卽因是以考學臣有司教舉得失五也言品者古身言之法一覽而了然一問而暢然也以制義策論判爲第二場制義以觀其理學策以觀其時務論以觀其宏博判以觀其律例書二經一策一論二判一亦七篇以韜略騎射爲第三場此三場取士之法也又察其全才兼才偏才爲三等以德行政績爲本通文武治略者爲全才試第一等授以方面清華之職

堵文忠公集

卷二

奏議

三

而不考諸德行政事言語諸科豈得爲一定之成法哉臣
故謂首行績次文治次武略此三試者取士之資格也臣
法若行則朝廷不設文武之殊局封疆不有文武之歧衷
併鹿鳴鷹揚之二試文學武學之諸生而合爲一科以羅
天下之豪傑使文不爲堅瓠武不致躍冶於以復古濟艱
此其首務矣愚慮一得是在皇上之乾斷耳伏乞聖裁

第二疏

題爲學政第二款暫補學官以起學敝事臣竊惟學政至
今日廢弛極矣至三楚抑凋殘極矣臣前款月課之法所

堵文忠公集

卷二

奏議

三

急在清幹學官乃學官之選率衰暮貢途惟以索贄食租
爲務從不思所以訓飭諸生諸生亦菲薄視之從不肯受
其訓飭安望其居長而能率況全楚府縣一百四十學應
設官三四百員逃竄之餘十不存一臣何恃以整頓士風
乎若一一而俟部推恐挽河無以療渴臣請先受專擅之
罰除府教授縣教諭不敢妄委仰候部選外餘訓導二員
容臣於別府中選德望貢士或聘敦茂孝廉暫行委署先
使勞來糾集漸加教率庶臣法得行臣試得周也此臣一
時權宜之術也更望皇上特重學官之選勅諭吏部務取

甲乙正榜青年有望者充之嚴立學規有躍冶曠廢者學官不時撻記不悛呈斥使歲月而與諸士子爲課學官教士有條士習得莊邑無譁競人文興起者學臣考最與知推同選教士無法士習不端譁競時聞文學衰息者學臣試殿與貪躁同罰務使子弟實實從師師官實實課弟學臣申創懲之令毫髮不假府縣凜三尺之法申斥時加賢者優之使進不肖者抑之使退三年以內教著政成化行俗美將見士有學而國有材民以茂而戶可封矣伏乞聖裁

堵文忠公集

卷二

奏議

三

第三疏

題爲學政第三款杜革倖竇以清積穢事臣竊惟從來設科取士之法無不精詳然無不做壞者則倖竇不可不急議塞也塞之之法惟皇上之斧鉞是開請立法自臣始夫竇至今日千百變幻不可方物矣初猶徇情面也漸苞苴公行始猶畏人知也漸翹然自負銅臭有靈詩書不光孤寒者滿腹而負囊薪膏梁者乳臭而改頭角夤緣昏夜可羞可憤其穢濁有不忍爲皇上告者如臣款得行不首重倖竇之誅幾何而不爲奔競者之捷徑乎乞皇上加臣一

勅有以賄賂囑託嘗試臣者不問何來皆許臣據實飛參所屬有司有不飭者不問正貳皆許臣白簡從事如臣不肖不能峻自檢飭以致隱忍不舉或物議可指者準兩院立即參拏一併置之大法投畀魍魎以肅聖政庶法嚴則源清源清則竇絕竇絕則貞良輩出矣此摩厲之大權也伏乞聖裁

第四疏

題爲學政第四款崇講理學修復鄉射以昭教化以裕人才事臣聞古庠序而外州黨皆有術塾固無在不講學也

堵文忠公集

卷二

奏議

三

蒐狩之餘社蜡皆得田獵固無人不講武也甚矣敦龐親長之風蓋所以儲之者素也今風俗甚囂士節大喪察其習染已甚非僅朝夕之故故道有似迂實切功有若緩得捷者莫如急崇理學之席而兼復鄉射之制臣請酌郡縣大小各修葺學宮以爲講學之所敦請才望鄉紳及俊秀子弟每朔望日齊集行禮諷詠詩書鼓率忠義講畢則於隙圃試射以考德藝懈者作之使奮悍者戢之使馴凡園橋而聽審括而前者莫非先王先聖之訓行訓言也則蛾子有時術之功矣又臣一人不能徧歷則臣尚責成於府

縣府縣責成於學長臣彙所講所習之語技錄其九者登諸政府以驗學識醇疵以察士習消長務徵其實不勦虛文於以正心成俗非無本也夫士子者民人之表也士端於學斯民樸於野矣有如響答況六訓之條又可卽事而通行者乎興今復古此爲先務伏乞聖裁

第五疏

題爲學政第五款正文體以正士習事臣竊惟文體之詭卽士心之漓風俗之靡事功之薄所由來也夫洙泗之學發明於濂洛諸儒千百年不易乃茲者道衰術雜歧趨異

堵文忠公集

卷二

奏議

三

尚理學全謬辭說繁多厭菽粟而嗜菖芟背日月而行幽冥苟一日之新奇足以倖獲卒不顧心性學業之所安夫今日詭辭以邀名卽異日詭途而敗節數科以來乃其前鑿楚風汗漫遂成寇戎不正其源流將胡底臣祈皇上振衰起敝頒行天下凡說不本於六經及義不衷於宋儒而牽引子史厖僞及老釋異端者必黜勿徇夫體正則影端理明則功著其係於人心世道非淺鮮也又士習之壞殆不忍言鼓譟把持脅詔奔競尤以成風幾牢不破併祈皇上通行厲禁有怙習長奸者罪加齊民一等學長有司容

徇不舉一併參治其恬退廉讓力學敦行特褒一二以風其餘庶積習之文體士風一正俱正也伏乞聖裁

第六疏

題爲學政第六款修舉廢墜以闢邪崇正事臣驅馳南北見土木之莊嚴無如利宇榱桷之湮落無如學宮竊喟然久之以占蠻夷猾夏聖教淪替之一端矣乃不幸言而中也若三楚之學宮已在不堪見聞再經獻賊燬殘斷黃一帶悉無椽瓦凡有冠裳孰不痛裂夫胡像蠹我華夏則塌施助以供奉之聖教炳若中天則惜銖兩而灌莽之皇

堵文忠公集

卷二

奏議

三

上聖明御宇再造區夏丕振斯文當不忍久視其倒置也臣請頒行天下悉毀諸淫祠精舍以修葺所在學宮一黜異端之漸一明聖教之尊一慎華夏之防一舉而三善備也若念楚地兵荒有司奉行無力或每學量開事例多寡以瞻器用事關先師俎豆斯文廢興仰祈乾斷亟行勿疑勿吝伏乞聖裁

第七疏

題爲學政第七款請并歲科二試兼定貢選日期衙門駐劄事臣惟楚地三年被兵歲考已曠臣聞報之日又在九

月中旬屈指賓興爲日無幾合無遵照以兼歲科事例使
臣黽勉得以竣事又龍飛隆典則有恩貢兩年歲試則有
歲貢俱宜奉行在所不緩然計楚地山川邈廓縱橫二三
千里又兵戈滿地行路殊難臣請分駐衙門爲四處漢江
而下則駐武昌考較武漢黃三府承德襄鄖荆尚稽恢復
其有土子僑寓他郡者以便就試湖北則駐辰屬考較常
辰靖三府湖南則一駐長屬考較長岳二府一駐衡屬考
較寶衡永郴四府州恩選歲貢俱就駐劄衙門一同歲科
分期考試庶士子無遠涉之勞微臣盡歲月之力度時計
堵文忠公集 卷二 奏議

三

地頗爲長便伏乞聖裁

第八疏

題爲學政第八款抑止輕躁以儲人材事臣聞古二十而
冠四十強仕豈其故爾鈍迂實亦取資年學諺云老成非
無說也夫聖哲夙成不過曠世一見而中材品局亦假摩
厲乃充近者士競躐等人有躁心出襁褓遂戔巾甫象勺
已登籍相聞者以爲嘉話夫離童稱士以其成人也出仕
居官將以加民也今一旦取襁褓象勺之童居之不幾以
學業民社爲兒戲乎故古人以年少登科謂之不幸誠慮

恣輕淨之氣畫向進之功於世務則未諳於學問則不達
誤人自誤莫此爲多乞皇上準古酌今頒行天下年不滿
二十以上者不許入學年不滿三十以上者不許通籍儲
其英茂之資進其堅強之志使學力年力漸以宏深其於
抑躁致遠扶獎德造有實用也伏乞聖裁

堵文忠公集

卷一

奏議

旱

全集卷二終

邑後學

儲廷槐植三
徐政章煥其重校

